



Isumaginninnermut pisortaqarfik angerlarsimaffinni meerartaqarfiusuniit eqqissiviillioortoqarsimatillugu ilisimatineqarnerini aaqqiagiingittoqartillugu akunnermiliuttuusarneq pillugu neqeroorummik pilersitsisoqarnissaa anguniarlugu Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Anna Wangenheim, Demokraatit)
(Siullermeerneqarnera)

Qujanaq Demokraatit Inatsisartunut ilaasortaataannut Anna Wangenheim-imut siunnersuummut pitsaasumut silatusaartumullu.

Meeqqat amerlanerpaat maani Kalaallit Nunaanni ilaqutariinni pitsaasuni asannittunilu peroriartortarput, asaqtigiillutillu tapersersoqtigiittuni. Manna iluatsillugu nuna tamakkerlugu angajoqaat pitsaasut akisussaassuseqartullu qutsavigerusuppakka, meeqqaminnik paarsilluarnerannut. Eqqarsaatigalugit nuannaajallappunga.

Ajoraluartumilli aamma maani nunatsinni meeraqarpoq, toqqissisimanangitsuni peroriartortunik, angerlarsimaffiminni ajornartorsiortoqarnera pissutigalugu. Ajornartorsiutit tamakku assigiingtsorujussuusinnaapput. Ilaatigut ajornartorsiutit ima annertutigisinnaapput, allatut ajornartumik meeqqat pinngitsaaliissummik arsaarinnissutigisariartarlutik. Aammali allat, ilaqutariit avissaartingikkaluarlugit, allatut aaqqiivigineqartartut.

Inatsisartunut ilaasortaq Anna Wangenheim uani pitsassuarmik siunnersuuteqarpoq isumaginninnermut oqartussaasut angerlarsimaffinni meerartaqarfiusuniit eqqissiviillioortoqarsimatillugu ilisimatitsisoqarnera, aaqqiagiingittoqartillugu akunnermiliuttuusarnissaq pillugu neqeroorummik pilersitsisoqassasoq. Iluarisimaarpara, aamma Naalakkersuisut isumassarsiaq pissanganartutut soqtuginartutullu isigimmassuk. Taamaattorli Naalakkersuisut arlalinnik akerlerisaqarput aaqqiagiingittoqartillugu akunnermiliuttuusarnissaq pillugu neqerooruteqartalernissap pilersinneqannginnerani nassuiarteqqaarusutaminik, taamaattumillu allannguutissatut siunnersuummik saqqummiussisimalluni.

Demokraatinut pingaartuuvoq, oqaluuserisaq pingaaqrutilik suleqatigiissitani assigisaannilu ukiuni arlalinni uninngatinneqannginnissaa, ilalerparpulli, neqeroorutip pilersinneqannginnerani misissuinissaq pisariaqarsinnaasoq.

Taamaattumik ataatsimiititaliaq kajumissaarusupparput sukumiisumik misissoqqullugu, ilumut pisariaqarnerasoq nassuiaammik sanaqqaarnissaq soorlu tamanna Naalakkersuisut allannguutissatut siunnersuumminni siunnersuutigigaat. Uagut uuma isumassarsiap piaarnerpaamik aallartinneqarnissaa, piumanerugaluarparput.



Taamatut oqaaseqaateqarluta siunnersuut akuereqqullugu innersuussutigaarput Ilaqutariinnermut-
Peqqissutsimullu ataatsimiititaliami suliareqqitassatut innersuussutigalugu.